

## **Convocatoria de bolsas para deportistas do concello de muros para o ano 2017**

### **1 CONTIDO XERAL**

#### **1.1 Obxecto**

A universalización da práctica deportiva ten un papel moi importante na sociedade, actuando de maneira transversal en moitos valores sociais de grande importancia para a mellora da calidade de vida da cidadanía. É por isto fundamental facilitar o acceso á práctica deportiva a través da consolidación da igualdade de oportunidades no deporte.

O Concello de Muros ten como obxectivo a promoción e difusión do deporte e é consciente dos esforzos de moitos e moitas deportistas con talento e do difícil que é progresar naqueles deportes que teñen un carácter individual. Por isto, esta convocatoria de bolsas ten como obxecto apoiar a práctica e o rendemento deportivo, tanto en relación ao perfeccionamento técnico e obtención de maior rendemento nas respectivas modalidades deportivas, como facilitando a súa participación en eventos deportivos.

Considérase deporte de “carácter individual” todo aquel deporte que, segundo a súa regulamentación, é practicado por 1 ou 2 deportistas como máximo.

As persoas aspirantes ás bolsas deberán ser maiores de 10 anos (cumpridos no momento da solicitude) e concederanse un total de 10 bolsas de 150,00 € a 400,00 €. O límite máximo destas axudas é de 4.000 €.

Estas bolsas serán compatibles con outras axudas públicas ou privadas para a mesma finalidade, que a persoa solicitante deberá comunicar ao Concello de Muros.

Inclúense nesta convocatoria os programas e actividades desenvolvidos dende o 1 de xaneiro ata o 31 de decembro de 2017.

#### **1.2 Tramitación**

A tramitación destas bolsas será de conformidade co establecido na Lei 39/2015, do 1 de outubro, do procedemento administrativo común das administracións públicas.

Conforme ao disposto no artigo 40 da Lei 39/2015, notificaránselles ás persoas interesadas as resolucións e actos administrativos que afecten aos seus dereitos e intereses.

A resolución das persoas admitidas e excluídas e a adxudicación das bolsas, por tratarse dun acto integrante dun procedemento de concorrencia competitiva, e de conformidade co establecido no artigo 45 da Lei 39/2015, notificarase mediante publicación no taboleiro de edictos e na páxina web

do Concello de Muros, e producirá os mesmos efectos que a notificación individualizada. Todo isto sen prexuízo do cumprimento da normativa vixente en materia de notificacións administrativas.

## **2. SOLICITANTES**

Poderán participar nesta convocatoria os/as deportistas que reúnan os seguintes requisitos:

2.1 Os deportes practicados polos/as deportistas aspirantes á bolsa deberán pertencer a un dos deportes olímpicos e disciplinas asociadas, tanto de verán como de inverno, incluídos no programa oficial dos últimos Xogos Olímpicos.

Excepcionalmente admitiranse outros deportes que se puideran integrar nos seguintes Xogos Olímpicos e que estean aprobados polo COI.

2.2 Ser maior dos 10 anos no momento de solicitude da bolsa.

2.3 Acreditar a residencia no Concello de Muros mediante a presentación dun volante de empadramento.

2.4 Contar con licenza federativa vixente no momento de solicitude da bolsa, expedida pola federación correspondente.

Unicamente se poderá solicitar unha bolsa por modalidade deportiva.

2.5 No caso dos/as menores de idade, a persoa solicitante será sempre o/a menor e o/a representante será o pai, nai ou titor/a legal do/a menor/a, que se responsabilizará de todas as obrigas como beneficiario/a da bolsa.

2.6 Non estar incursos en ningún dos supostos de incapacidade ou incompatibilidade para a percepción de axudas ou subvencións públicas.

2.7 Estar ao día nas súas obrigas tributarias e coa Seguridade Social.

## **3 DOCUMENTACIÓN**

As solicitudes deberán formularse nos modelos normalizados que se facilitarán no Centro Cultural e Xuvenil de Muros, ou na páxina web do Concello de Muros: [www.muros.gal](http://www.muros.gal).

Achegarase a seguinte documentación:

3.1 Modelo de solicitude normalizado.

3.2 Fotocopia do DNI ou documento que o substitúa.

3.3 Volante de empadramento no Concello de Muros.

3.4 Historial deportivo do ano en curso e do anterior, no que deberá constar datos como: participacións, resultados máis importantes obtidos en competicións de carácter oficial e federado (con especificacións de datas, lugar e nivel da proba).

3.5 Proxecto deportivo para a temporada 2017 - 2018.

3.6 Declaración responsable doutras axudas.

3.7 Declaración de ter licenza vixente na data de solicitude da bolsa, expedida pola federación correspondente.

3.8 Se é caso, certificación (expedida pola Secretaría co Vº e prace da presidencia do Club) da pertenza do/a deportista a un club.

3.9 Autorización ao Concello de Muros para solicitar as certificacións que deban emitir a Axencia Tributaria e a Seguridade Social.

3.10 Declaración orixinal de estar ao corrente das obrigas coa Axencia Tributaria, co Concello e coa Seguridade Social.

3.11. Certificación orixinal dos datos bancarios da conta indicada para o ingreso da bolsa.

3.12 Declaración orixinal da persoa representante de non estar incurso en causas de incompatibilidade ou incapacidade para contratar e percibir subvencións da administración pública e de aceptación das bases da convocatoria.

3.13 Compromiso da entidade de facer constar a colaboración de Concello de Muros en toda a información que realice do desenvolvemento das actividades ou inversión (anexo III).

#### **4 LUGAR E PRAZO DE PRESENTACIÓN DA SOLICITUDE**

As solicitudes presentaranse por calquera das formas establecidas no artigo 16.4 da Lei 39/2015, do 1 de outubro, do procedemento administrativo común das administracións públicas.

O prazo de presentacións será do 1 ao 31 de marzo do 2017.

O Concello de Muros publicará na súa web, [www.muros.gal](http://www.muros.gal), e no taboleiro de anuncios a relación das persoas solicitantes admitidas e excluídas, polo que a presentación de solicitude leva implícita a autorización para o tratamento dos datos das persoas solicitantes e a súa publicación nos medios descritos.

As persoas solicitantes contarán cun prazo de 10 días dende a publicación da lista de admitidas e excluídas para formular as reclamacións necesarias e emendar erros. Transcorrido este prazo sen

que se emenden as causas de exclusión, considerarase que desisten da súa petición nos termos do artigo 68 da Lei 39/2015.

Tamén será causa de desistimento da solicitude non axustarse aos termos da convocatoria, ou o incumprimento dos requisitos establecidos nela.

## **5 COMPOSICIÓN DO TRIBUNAL**

O tribunal encargado do outorgamento destas bolsas estará presidido pola alcaldesa do Concello de Muros e formarán parte del:

- 2 técnicos do departamento de Deportes e un técnico/a do departamento de Asuntos Económicos.
- O secretario municipal ou persoa na que delegue, con voz pero sen voto.

A composición do tribunal publicarase no taboleiro de anuncios e na páxina web do Concello de Muros con anterioridade á súa reunión, co fin de que se poidan interpor, se é o caso, os recursos legais pertinentes.

## **6 CONCESIÓN DAS BOLSAS E NOTIFICACIÓN**

O tribunal formulará a súa proposta de selección de bolseiros e bolseiras e o órgano competente para ditar o acordo de adxudicación será a Xunta de Goberno Local.

6.1 As solicitudes valoraranse segundo os seguintes criterios:

a) Historial deportivo: ata 40 puntos.

Valorarase os resultados de maior nivel obtidos no ano en curso en campionatos oficiais e probas oficiais recoñecidas pola federación correspondente.

b) Proxecto deportivo: ata 40 puntos.

Interese do proxecto presentado, a proxección de futuro do/a deportista e a súa progresión.

c) Outros méritos: ata 20 puntos.

O tribunal poderá valorar outros méritos, segundo a documentación presentada pola persoa solicitante. Tamén se poderá valorar a especial dificultade ou dureza na consecución dalgunha das probas deportivas.



6.2 O tribunal poderá nomear os/as suplentes que considere oportunos/as, establecendo unha orde. Os/as suplentes accederán ás bolsas no caso de renuncia ou revogación por incumprimento das bases das persoas titulares.

## **7 XUSTIFICACIÓN E PAGAMENTO**

O prazo para a xustificación das subvencións finalizará o **15 de decembro de 2017**. Excepto que se xustifique que a subvención se destina a actividades realizadas durante a última quincena de decembro, en cuxo caso o prazo para xustificar finalizará o día 30 de xaneiro de 2018.

**As subvencións outorgadas serán aboadas a medida que sexan xustificadas.**

Se non se presenta a xustificación dentro de prazo, iniciarase o expediente de anulación do correspondente compromiso.

As bolsas aboaranse tras a presentación da certificación da federación deportiva correspondente acreditativa dos resultados obtidos no ano en curso.

### **Documentación xustificativa**

Para o cobro da bolsa as entidades deberán presentar unha conta xustificativa, mediante a achega da documentación que, deseguido, se sinala:

- Memoria de actuación xustificativa do cumprimento das condicións impostas na concesión da subvención, con indicación das actuacións realizadas e resultados obtidos.
- Publicidade xerada nas competicións nas que participou o/a beneficiario/a.
- No caso de non realizar publicidade deberá presentar unha declaración na cal se manifeste que non realizou ningún tipo de publicidade.
- Relación detallada das subvencións ou axudas obtidas doutras administracións públicas ou entidades privadas para o mesmo obxecto ou, pola contra, declaración de non ter outras subvencións públicas ou privadas para o mesmo obxecto.
- Así mesmo, no caso de concorrencia de subvencións públicas que se atopen xustificadas, poderá achegarse unha certificación da administración outorgante na que se detallen os conceptos subvencionados e os importes xustificados e período ao que se refiren os gastos.
- Declaración orixinal de estar ao corrente das obrigas tributarias e coa Seguridade Social.

## **8 OBRIGAS DOS/AS BOLSEIROS/AS**

8.1 Cumprir as normas dos apartados anteriores.



8.2 Participar en probas ou encontros deportivos correspondentes á súa modalidade e categoría deportiva durante a temporada en curso.

8.3 Publicitar a súa condición de bolseiro/a do Concello de Muros nas competicións e nas actividades deportivas en que participe.

O incumprimento das condicións recollidas nestas bases, así como a renuncia á bolsa, terá como efecto a obrigatoriedade de devolución da cantidade percibida.

## **9 INCUMPRIMENTOS E SANCIÓNS**

Vencido o prazo de xustificación sinalado na base 7.1 ou, no seu caso, a prórroga, sen que a entidade presentara a documentación xustificativa, requirirase para que a presente no prazo improrrogable de quince días.

A falta de presentación da documentación neste prazo suporá a perda da subvención e demais responsabilidades previstas na Lei xeral de subvencións.